

**ქ. ბათუმის მუნიციპალიტეტის საკრებულოში სტაჟირების მსურველი პირის  
შეფასების კომისიის სხდომის**

**ო ქ მ ი №1**

**ქ. ბათუმი**

**25 აგვისტო, 2026 წ.**

**სხდომას**

**ხელმძღვანელობდა:**

ქალაქ ბათუმის მუნიციპალიტეტის საკრებულოში სტაჟირების მსურველი პირის შეფასების კომისიის თავმჯდომარე, ქალაქ ბათუმის მუნიციპალიტეტის საკრებულოს აპარატის უფროსი - რაულ ბოლქვაძე.

**სხდომას ესწრებოდნენ  
საკონკურსო კომისიის  
წევრები:**

ქალაქ ბათუმის მუნიციპალიტეტის საკრებულოში სტაჟირების მსურველი პირის შეფასების კომისიის თავმჯდომარის მოადგილე, ქალაქ ბათუმის მუნიციპალიტეტის საკრებულოს აპარატის საქმისწარმოებისა და ადამიანური რესურსების მართვის განყოფილების უფროსი - მადონა თურმანიძე;

ქალაქ ბათუმის მუნიციპალიტეტის საკრებულოს აპარატის იურიდიული განყოფილების უფროსი - ირაკლი თავართქილაძე;

ქალაქ ბათუმის მუნიციპალიტეტის საკრებულოს აპარატის საქმისწარმოებისა და ადამიანური რესურსების მართვის განყოფილების მეორე კატეგორიის უფროსი სპეციალისტი - შორენა ფუტკარაძე;

ქალაქ ბათუმის მუნიციპალიტეტის საკრებულოს აპარატის მასმედიასთან და საზოგადოებასთან ურთიერთობის განყოფილების უფროსი - ლელა ნემსაძე.

სხდომა გახსნა კომისიის თავმჯდომარემ და სხდომაზე დამსწრე კომისიის წევრებს გააცნო სხდომის დღის წესრიგი.

**დ დ ი ს წ ე ს რ ი გ ი :**

ქალაქ ბათუმის მუნიციპალიტეტის საკრებულოში სტაჟირების მსურველი პირის, შეფასების კომისიის მიერ, კონკურსის ჩატარებასთან დაკავშირებული საკითხების განხილვა, მათ შორის კონკურსის პირობების, კანდიდატის შეფასების ფორმებისა და ჩატარების გრაფიკის განსაზღვრა.

კომისიის თავმჯდომარემ აღნიშნა, რომ საქართველოს მთავრობის 2023 წლის 15 მაისის №177 დადგენილებით დამტკიცებული „საჯარო დაწესებულებაში სტაჟირების გავლის წესის დამტკიცების თაობაზე“ მე-12 მუხლის მე-4 პუნქტის შესაბამისად, ქალაქ ბათუმის მუნიციპალიტეტის საკრებულოს თავმჯდომარის 2025 წლის 25 აგვისტოს „ქალაქ ბათუმის მუნიციპალიტეტის საკრებულოში სტაჟირების მსურველი პირის შეფასების კომისიის შექმნის შესახებ“ №815.15252372 ბრძანებით განისაზღვრა საკონკურსო კომისიის შემადგენლობა.

ასევე აღნიშნა რომ, საქართველოს მთავრობის 2023 წლის 15 მაისის №177 დადგენილებით დამტკიცებული „საჯარო დაწესებულებაში სტაჟირების გავლის წესის დამტკიცების თაობაზე“ მე-12 მუხლის მე-5 პუნქტის შესაბამისად, ქალაქ ბათუმის მუნიციპალიტეტის საკრებულოს თავმჯდომარის 2025 წლის 25 აგვისტოს „ქალაქ ბათუმის მუნიციპალიტეტის საკრებულოში სტაჟირების მსურველი პირების შერჩევის მიზნით კონკურსის გამოცხადების შესახებ“ №815.1525237001 ბრძანებით, სტაჟირების მსურველი პირის შერჩევის მიზნით, განისაზღვრა საკრებულოს შეფასების კომისიის საქმიანობისა და გადაწყვეტილების მიღების ზოგადი წესი.

კომისიის თავმჯდომარის მოსაზრებით მიზანშეწონილია სტაჟირების მსურველი პირის შერჩევა ჩატარდეს გასაუბრების წესით და შეფასება განხორციელდეს 10 ქულიანი შეფასების სისტემით.

## კომისია დაადგინა:

1. კომისიის საქმიანობა და კომისიის მიერ გადაწყვეტილების მიღება განხორციელდეს „ქალაქ ბათუმის მუნიციპალიტეტის საკრებულოში სტაჟირების მსურველი პირების შერჩევის მიზნით კონკურსის გამოცხადების შესახებ“ №15.1525237001 ბრძანებით და საქართველოს მთავრობის 2025 წლის 20 აგვისტოს №364 დადგენილებით განსაზღვრული (2023 წლის 15 მაისის № 177-ის ცვლილება) წესის შესაბამისად;

კონკურსი ჩატარდეს 2 ეტაპად: ა) საბუთების გადარჩევა, ბ) გასაუბრება;

ა) პირველი ეტაპი - სტაჟირების მსურველი პირის მიერ წარდგენილი განაცხადის განსაზღვრულ მოთხოვნებთან შესაბამისობის დადგენა, რომელსაც განახორციელებს ქალაქ ბათუმის მუნიციპალიტეტის საკრებულოს აპარატის საქმისწარმოებისა და ადამიანური რესურსების მართვის განყოფილება;

ბ) მეორე ეტაპი - სტაჟირების მსურველი პირის შეფასებას გასაუბრების მეთოდით განახორციელებს ქ.ბათუმის მუნიციპალიტეტის საკრებულოში სტაჟირების მსურველი პირის შეფასების კომისია.

2. კონკურსანტებისაგან განაცხადები (თანდართული დოკუმენტაცია) მიიღება მხოლოდ ელექტრონული ფორმით საქართველოს მთავრობის ადმინისტრაციის მიერ ადმინისტრირებული ვებგვერდის მეშვეობით - [www.vacancy.hr.gov.ge](http://www.vacancy.hr.gov.ge), გამოქვეყნებიდან 01 სექტემბრიდან, 10 კალენდარული დღის განმავლობაში, 10 სექტემბრის ჩათვლით.

3. გასაუბრებაზე მიწვეულნი იქნებიან სტაჟირების მსურველი ის პირები, რომლებიც დააკმაყოფილებენ დადგენილ მოთხოვნებს.

4. ქალაქ ბათუმის მუნიციპალიტეტის საკრებულოში სტაჟირების მსურველი პირის შეფასების კომისიის მისამართად განისაზღვროს: ქ. ბათუმი, ლუკა ასათიანის ქ. N25, ქალაქ ბათუმის მუნიციპალიტეტის საკრებულოს შენობა.

5. განისაზღვროს სტაჟირების მსურველი პირების შეფასების შემდეგი წესი და პირობები:

- გასაუბრებაზე კომისია სტაჟირების მსურველი პირებისგან საუკეთესოს შერჩევს, კომისიის თითოეული წევრის მიერ შეფასების 10 ბალიანი ქულათა სისტემით, უმაღლეს საერთო ქულით, რომელიც წერილობითი ხელშეკრულების გაფორმების მიზნით, წარედგინება საჯარო დაწესებულების ხელმძღვანელს (თანაბარი საერთო ქულების შემთხვევაში გადაწყვეტა კომისიის თავმჯდომარის ხმა).

- თითოეული კონკურსანტის საბოლოო (ინდივიდუალური) შეფასების მისაღებად გამოიანგარიშება საშუალო არითმეტიკული ქულა, რომლის გამოსათვლელად კომისიის წევრთა მიერ კონკურსანტისათვის დაწერილი (ინდივიდუალური) ქულები შეჯამდება და გაიყოფა იმ რიცხვზე, რამდენი კომისიის წევრიც აფასებს კონკრეტულ კონკურსანტს.

- გასაუბრების თემატიკა განისაზღვროს ამავე ოქმის დანართით განსაზღვრული საკვალიფიკაციო მოთხოვნებით და ფუნქცია-მოვალეობებით.

- კანდიდატის შეფასება განხორციელდეს გასაუბრებით სამსახურის საქართველოს მთავრობის ადმინისტრაციის ადმინისტრირებად ვებ-გვერდზე, [www.vacancy.hr.gov.ge](http://www.vacancy.hr.gov.ge) -ზე გამოქვეყნებულ განცხადებაში მითითებული სტაჟირების კონკრეტული საკონკურსო პოზიციის საკვალიფიკაციო მოთხოვნების და ფუნქცია-მოვალეობების შესაბამისად, კომპეტენციების, ცოდნის, უნარებისა და მოტივაციის შეფასების საფუძველზე.

- თითოეულ კანდიდატისათვის გამოყოფილია 10-15 წუთი და შესაძლო დასმული კითხვების რაოდენობა განისაზღვროს შემდეგი პროპორციით:

- ✓ 7 შეკითხვა - სამართლებრივი აქტებიდან;
- ✓ 3 დამატებითი შეკითხვა (საჭიროებისამებრ).

- გასაუბრებაზე დადებით შედეგად ჩაითვალოს - არანაკლებ 5 ქულის მიღება. კანდიდატი, რომელიც დააგროვებს - 5 ქულაზე ნაკლებს, მიიღებს შეფასებას „ვერ გადალახა“.

- გასაუბრებამდე რეგისტრაციის დროის განმავლობაში კანდიდატის გამოუცხადებლობის ან/და დაგვიანების შემთხვევაში, მიუხედავად გამოუცხადებლობის/დაგვიანების მიზეზისა (საპატიო თუ არასაპატიო) მონაწილე ფასდება „0“ ქულით.

- კონკურსის საბოლოო შედეგების მიხედვით გამარჯვებულად გამოვლინდება ის კონკურსანტი, რომელიც კონკურსის მონაწილეთა შორის დააგროვებს უმაღლეს საერთო ქულას.

- კონკურსანტებს (სტაჟირების მსურველი პირებს) გასაუბრების ჩატარების დროისა და ადგილის შესახებ ეცნობებათ დამატებით, გრაფიკის შესაბამისად.

6. იმ შემთხვევაში, თუ კონკურსის რომელიმე ეტაპზე ვერცერთი კანდიდატი ვერ დააკმაყოფილებს/გადალახავს დაწესებულ პირობებს/ბარიერს, აღნიშნულ პოზიციაზე კონკურსი ჩაშლილად გამოცხადდეს.

7. კონკურსანტებს უფლება აქვთ საკონკურსო კომისიის მიერ მიღებული გადაწყვეტილებები და კონკურსის შედეგები გაასაჩივრონ სასამართლოში, კანონმდებლობით დადგენილი წესით.

8. ქალაქ ბათუმის მუნიციპალიტეტის საკრებულოს აპარატის საქმისწარმოებისა და ადამიანური რესურსების მართვის განყოფილებამ უზრუნველყოს: კონკურსის ორგანიზებულად ჩატარება, გამოცხადებასთან და ამ ოქმით გათვალისწინებულ ეტაპებთან დაკავშირებით შესაბამისი კონკურსანტების ინფორმირება, საქართველოს მთავრობის ადმინისტრაციის მიერ ადმინისტრირებული ვებ-გვერდის ([www.vacancy.hr.gov.ge](http://www.vacancy.hr.gov.ge)) მეშვეობით მათ მიერ მითითებული ელექტრონული ფოსტის მისამართზე.

კომისიის თავმჯდომარე:



რაულ ბოლქვაძე

კომისიის თავმჯდომარის მოადგილე:



მადონა თურმანიძე

კომისიის წევრები:

ირაკლი თავართქილაძე



შორენა ფუტყარაძე

ლელა ნემსაძე

